

邠
州
石
室
錄

柳州石室錄

卷二 宋

新知渭州王沿題名

日知錄卷十三五字字徑一二十
字等書右行通行直隸為類

是精舍康定二年辛巳卷二月七日題

詔自并州移典平定迺出函郊遊

部署公事王洽受

樞密直學士新知渭州兼管勾涇原路

王沿結銜爲樞密直學士新知渭州兼管勾涇原路部署公
事其下云沿受詔自并州移典平涼案宋史本傳沿字聖源
大名館陶人自陝西都轉運使降知滑州遷知并州以建議
徙豐州州果陷進樞密直學士右司郎中涇原路經略安撫
招討使兼知滑州續通鑑慶曆元年秋七月乙未元昊陷豐
州始王沿在并州乞徙豐州不報踰歲州果陷又云冬十月
甲午始分陝西爲四路以管勾涇原路部署司事兼知渭州
王沿兼本路馬步軍都部署經略安撫沿邊招討使自并移
渭正在此一年之內此刻後題康定二年辛巳春二月七日
按仁宗康定僅有一年明年二月即改元慶曆沿題名在二

月猶書舊號或改元在後或邠州僻左尚未奉頒朔之詔沿
自并州移渭州平涼爲渭州治所邠其必經之地其時尚未
至平涼受事故云新知不云兼知惟兼知渭州宋史作滑州
宋時滑州在東京西北路距邠涇尚遠沿方經略西陲安得
有兼知滑州之事本傳下又云元昊乘勝犯渭州沿率州人
乘城賊引去此渭字固未誤以此刻證之益知滑爲宋史駁
文滑渭字形相近又陟上降知滑州而誤也邠邠之幽不作
邠猶沿唐初舊字

趙威題名

二行一行十三字一行十一
字字約徑一寸三分真書

借職趙威同西洛貢吏趙仁濟遊
此康定二年季春十四日書

二趙非宗子名不見史表攷宋史職官志三班借職爲武臣最下一階一轉爲奉直又再轉始爲左右班殿直西洛卽洛陽宋以河南府爲西京置洛苑使長安慈恩寺塔政和元年徐處仁題名同游有西洛趙佺真叟韓魏公集有戊申西洛中秋對月詩梅堯臣集有韓欽聖問西洛牡丹詩首句云韓君問我洛陽花蓋當時通稱西京爲西洛也仁濟奉邊帥之命修職貢於陪都時在季春猶書康定年號自陝以西尚未知慶曆新元也

稍垂師魚
三月午五

韓稚圭尹師魯題名

附李純等續題

二行兩段相連上段一行八字一行七字其書下段兩行均十字行書字約徑二寸五六分兩段銜接而下距離不隔一黍

康定二年李純母敦仁楊懋宗諸親
日過此 韓尹二公留題不勝仰慕

稚圭韓魏公字也師魯尹河南字也韓范二公經略西邊師魯久居幕職范文正集有祭尹師魯文而韓公爲作墓表見安陽集康定慶厯之間正元昊犯邊之時康定二年卽爲慶厯元年通鑑於二月甲申書任福敗於好水川先於辛巳言夏竦奏韓琦尹洙赴闕與兩府大臣議用攻策由涇原鄜延兩路進討范仲淹議未同下又云始朝廷旣從攻策經略安撫判官尹洙以正月丙子至延州與范仲淹謀出兵留兩旬仲淹堅持不可辛丑洙還至慶州乃知任福敗績又云夏四月辛巳降陝西經略安撫副使樞密直學士起居舍人韓琦爲右司諫知秦州觀此則西師之出魏公與洙實主之文正

和而不同此其所以爲君子此題在三月十五日正當好水
川敗後洙自延州還慶州魏公先自涇州趨鎮戎軍此時或
自涇州還故二公相遇於邠州也又案宋史尹洙傳趙元昊
反大將葛懷敏辟爲經略判官洙雖用懷敏辟尤爲韓琦所
深知致安陽集尹公墓表云葛懷敏出鄜延道攻賊公自請
參議行營軍事有詔如請而事中罷蓋師魯雖應懷敏之辟
實未行傳於洙降通判濠州後又云未幾韓琦知秦州辟洙
通判州事蓋魏公降知秦州後仍以公自副始終在幕府也
兩賢相得之雅山川舒獻之樂不以一戰利鈍盛感靡騁此
賢者所以不可及歟 李純題字無年月毋敦仁楊懋宋詒

宋史皆無傳惟涇州回山王母宮有河東毋安之題名一通禮曰安土敦乎仁故能愛以斯言為徵敦仁其名安之其字昔我先正必恭敬止宜書名高明臺榭來游來歌宜書字故書法有不同爾回山一刻崇甯甲申則此刻亦當在汴京之末回山同游者率陳臺徐巨源等夫曰率皆其僚屬可知中有左馮李明中河曲宋子翼是刻以李純居首不應涇游退在僚佐是李純必非明中而宋諮之或字子翼與否亦未詳涇邠壤地相接官跡所至皆有其題字則事之可信者也

伯庸題名

三行行九字字約徑
二寸弱右行真書

和之同至

被詔西撫經此伯庸題
康定辛巳季春二十一日

韓魏公集有祭僕射王公伯庸文云僕承人乏奮命西禦久之未效命公來撫伯庸為王堯臣之字宋史王堯臣傳仁宗朝兩被命安撫涇原不言在何年月攷堯臣之初出也由翰林學士知審官院陝西用兵為體量安撫使將行請曰自元昊反三年於今關中彫弊請以詔勞來賊平蠲租賦按元昊僭號稱帝反跡始彰續通鑑寶元元年十月甲戌元昊築壇受冊遣使以僭號來告越明年仁宗即改元康定僅一年又改元慶厯此題在康定辛巳季春辛巳為二年實即慶厯之元年上推元昊僭號適及三年則是刻堯臣初至涇原時過邠所題無可疑者傳又載堯臣使還言涇原近賊巢穴最當

要害宜先備之又言韓琦范仲淹忠義智勇不當置之散地
明年賊果自鎮戎軍入寇敗葛懷敏關中震恐仁宗思其言
復以琦仲淹爲招討使而使堯臣再安撫涇原續通鑑葛懷
敏戰沒於定川寨在慶厯二年閏九月癸巳其年十月甲寅
以翰林學士王堯臣爲涇原路安撫使傳所謂明年即鑑之
慶厯二年題名之後一年也堯臣兩至陝中閒僅隔一歲以
石刻證之安撫前後年月釐然可攷惟同游和之未詳耳

滕宗諒題名

二行一行十四字一行十五字
字約徑一寸稍弱真書右行

詔守涇塞繼至于此後二所謹識石室
尚書刑部員外郎直學賢悅滕宗諒

滕宗諒字子京河南人與范文正同年舉進士見宋史本傳
于京又嘗與祕書丞劉越同上疏請章獻太后還政除左正
言遷左司諫自爲諫官後其事跡皆在越傳即以劉越傳互
證之宗諒自通判江甯府徙知湖州元昊反除刑部員外郎
直集賢院知涇州題名結銜與史合越傳下又言葛懷敏敗
諸郡震恐宗諒顧城中兵少集農民數千戎服乘城會范仲
淹自環慶來援宗諒設牛酒犒士又籍定州按定州非陝境
葛懷敏敗績於
定川寨宋史此傳軍敗定州及此州字皆
當作川淺人妄改州字又去寨字而誤也戰沒者於佛寺祭
之厚撫其孥於是邊民稍安仲淹薦以自代擢天章閣待制
徙慶州攻續通鑑葛懷敏定川寨之役在慶曆二年後題名

一年此時宗諒尚未至涇州翌歲即徙慶州是宗諒守涇僅
一年所此刻接王堯臣題名末一行後承堯臣年月蟬聯而
下前刻在康定辛巳季春二十一日此云後二日則為三月
二十三日也曰繼至別於和之言同至則是堯臣已去而宗
諒始來蓋堯臣由翰林學士出為涇原安撫而宗諒自湖州
徙知涇州同時之官先後道出邠州相值而又適相左也宗
諒後知蘇州卒在吾郡亦有循聲

王冲題名

三行前後二行行九字字約徑二寸末五字自第三行右行
而上在中間一行略偏下截字體略小真書單線長方閣

西賊寇邊之涇州相慶

八日五冲題

營寨回慶曆壬午首冬

興慶池禊宴詩石刻在西安府學前有慶曆壬午張子定序
作者十八人范雍居首末一章爲秘書丞通判乾州軍州事
王冲金石萃編據宋史王旦傳旦三子雍國子博士冲左贊
善大夫而不詳其官秘書丞判乾州此王氏誤也旦子名冲
其字从父宋史有兩王冲其一爲王堯臣從父堯臣官秘書
省著作郎爲冲連坐出知光州見本傳此兩人名皆从父與
冲不同作冲者史無傳姓名惟見此兩石刻亦皆在慶曆二
年興慶池詩頗可誦詩云駘盪青郊被禊辰東池冠蓋集嘉
賓道暹共入華胥國綽約誰逢洛浦神障展露花長樂際祀
歌煙草曲江濱遙知台旆行春暇起作元鈞輔弼人宋詩紀

事亦載其次韻范公仲淹游雲門一首見萃編

程戡等題名

十五行行三字大字約徑四寸強其書外國單線甚寬

慶曆四年孟夏三日都漕內閣程戡勝之益鐵副使魚

周詢裕
之宮苑
使周惟
德輔賢
因奉
命西陸
體量經
此哉題

續通鑑慶曆四年三月甲戌命鹽鐵副使魚周詢宮苑使周
惟德往陝西同都轉運使程戡相度鑄錢及修水洛城利害
以聞先是韓琦以修城為不便奏罷之鄭戩固請終役知渭
州尹洙及涇原副都部署狄青相繼論列以為修城有害無
利議不決故遣周詢等行視此即其奉使所題魚周詢自洛
至陝偕程戡自陝至邠計程千餘里簡書在道非半月不達
故三月甲戌命下四月三日輜軒始過邠郊留題而後去也
非還車所紀亦可以年月知之程戡魚周詢宋史皆有傳戡
由三司戶部副使擢天章閣待制陝西都轉運使魚周詢水
洛之役在為三司鹽鐵副使時石刻結銜皆合轉運漕臣故

戡於京銜上但署都漕魚周詢不書三司字皆省文魚傳又稱周詢是戡議而續通鑑亦云劉滄董士濂督役不從洙命洙怒欲以違節度斬之吏民詣周詢等訴周詢等奏釋滄士濂卒城之但以周詢為主同列姓名不具書范文正集有為修永洛城永為水字之形乞委魚周詢等勘鞫狀亦不及戡而此題則以戡居首又似戡專領其事者蓋論官則戡為尊在陝言陝名從主人禮也故先戡次魚周詢次周惟德王人雖微書於諸侯之上又春秋義也周詢銜命而出史官載筆外臣安得而先之至周惟德史無傳據宋史職官志宮苑驎驤內藏庫使為武臣散階其資序尚輕雖被詔偕行從大夫

後備員而已故鏡壁在附驥之列宋史於程魚兩傳亦略不
書也戡仕至鄜延路經略安撫使周詢知永興軍改知成德
軍未行卒並見本傳兩人功名蓋同以西陲終云

王素題名

三行行五六七字字徑
三四寸均不等行書

天章閣待制王
素題此廣曆
乙酉五月六日題

王素王旦子字仲儀自慶厯至治平三鎮涇原此其初去渭州時所題也宋史父子皆有傳旦傳云三子長雍次冲素其季也素傳云仁宗思其賢擢天章閣待制淮南郡韓運按察使吏畏而愛之改知渭州坐市木河東有擾民狀降華州續通鑑慶厯四年六月甲戌以天章閣待制王素知渭州七年秋九月降知渭州張亢知磁州據此則七年九月以前渭州已非王素素何時去亢何時來史不詳歲月慶厯五年歲在乙酉觀此刻題乙酉五月則素於五年夏已離渭州自渭至華邠爲中頓據續通鑑是年曩霄已受封冊其夏遣使來賀乾元節五月歸石元孫兵禍既弭邊境少甯故素雖降官以

去山川于役猶得從容而揮翰也渭已謝事華未到官故新
舊銜皆略不書

張翼題名

三行行字疏密大小均不等首行
十一字末行橫寫至十四字真書

義渠監兵供奉官張翼因領
帥公詣寧看
親回慶曆五年五月廿三日午時親

宋史有張翼附文苑鄭起傳善爲詩官不達其人在汴京初
且爲文士非此張翼也義渠古西戎國秦昭王殺義渠戎王
即其地在漢爲北地郡在宋爲永興軍路環慶邠甯四州之
地張翼結銜用古地名未詳四州屬何州甯州彭原郡今爲
董志縣丞地在慶陽府治之東若自慶州詣甯州看親邠非
所經竊疑翼即爲邠州武職尋此刻但云詣甯看親回回下
不着一字明其歸程即至邠州而止帥下泐一字似命又似
令按續通鑑慶曆五年正月乙酉以參知政事范仲淹知邠
州兼陝西四路緣邊安撫使又按文正集有邠州建學記云
慶曆甲申之明年春予爲邠守謁夫子廟明年夏功畢甲申

爲四年明年至邠則五年矣又明年爲六年范公尚在邠此
刻題於五年五月則邠帥必范公也又攷文正年譜慶厯四
年十二月經略司管勾何涉有母在蜀中迎侍不得公舉涉
充益梓路通判以便奉親俾全孝道翼之得稟命省親事正
同此詩云王事靡盬不遑將父孝經云資於事父以事君公
其有以體人子之心哉

又按宋史張亢傳於葛懷敏敗後兩知渭州其兄奎仁宗分
陝西爲四路擢天章閣待制環慶路經略安撫招討使知慶
州以父名餘慶辭不許兄弟皆以列宿名當慶厯皇祐間官
跡皆在西陲不云父諱而云父名則其父未沒可知翼亦列

宿名之一安知不亦爲餘慶之子從兩兄在西以一官自効
因其父就養兄舍故往來省之此說雖無徵其時其人其地
頗不徑庭姑存之以備一說

太原王稷等題名

三行二行十五字末一行十六
字字約徑三寸的右行真書

用之江夏李周宗旦慶曆六年冬至日題
拱德正臣戴城劉邃深之辨略楊承用
太原王稷治臣下邳余藻君章穎川陳

自王稷以下宋史皆無傳惟別有一李周傳云字純之馮翊人不字宗旦又至哲宗時始出知邠州元祐以前宦轍未嘗至西陸則非此李周也范文正公集有依韻酬邠州通判王稷太博詩云南幽日日接英標公外追隨豈待招惡勸酒時圖共醉痛羸棋處肯相饒一拋言笑如何遣頻得音書似不遙獨上西樓爲君久滿城明月會雲銷又邠州建學記云慶厯甲申之明年春予得請爲幽城守通守太常王博士稷告予夫子廟甚隘羣士無所安議改卜於府之東南隅以兵馬監押劉保節度推官楊承用共掌役事博士朝夕視之明年夏厥功告畢此題王稷暨後楊承用即其人皆范公幕僚也

彌陀象贊稷結銜為行軍司馬晉陽縣開國子蓋宋之通判
與唐之行軍司馬同為幕職贊用古官名范公所書者宋官
也慶厯甲申為四年據范公記明年始至邠又明年夏功始
畢是為慶厯六年今此刻題於六年冬至則在斯于落成以
後宜其命儔獻侶登臨以樂此佳節也余藻太原晉祠碑側
亦有其題名云大宋至和二年四月十日邢佐臣余藻同來
至和二年在此題後九年藻當自邠州改官晉陽但未知其
何秩耳

又按粵西金石略臨桂龍隱諸巖有余藻題名四通皆與孔
延之長源姚原道彥聖同游一在治平元年仲冬十八日後

書雁門質夫題於洞之左厓一在仲冬二十七日提點刑獄
余藻質夫書一在臘後一日提刑余藻書巖石以紀一在治
平二年立夏後二日藻題姓名雖同一字君章一字質夫雁
門與下邳又兩望未敢定爲一人陳拱德劉邃無攷號略宋
號州雄號郡治在唐爲弘農縣宋建隆初改常農至道三年
始改號略王之太原陳之潁川劉之彭城皆郡望揚承用不
書弘農而變文言號略者弘字犯宣祖諱故以今名改之也
江夏亦李氏十二郡望之一

又按鄂縣草堂寺有李周雙楹聯句詩元祐壬申秋八月後
有舅處訥處□李純之曾爲陝西轉運使此或其所題耳

阿彌陀象贊

九行行三十二字字裡一寸右首上方為陳奕禧題名磨損一角下半截亦勸真書右行通行直線左首下欄外刊字人姓名七字大徑六七寸

康熙癸亥五月十三日安

邑同令浙江陳奕禧轉運

金城瞻禮閣下勒石紀遊

□年秋八月廿有五日(印)宮簾□□□□□□□□□□

孔(印)心起□□桐(印)□□□□□□□□□□□□□□

□□□□□□□□□□□□□□□□□□□□□□□□□□

人□□於□□□□□□□□□□□□□□□□□□□□□□

河咫尺□□□□□□□□□□□□□□□□□□□□□□

區盡水霜之前登湖□□□□□□□□□□□□□□□□

行軍司馬晉隱縣開國子王公名履英才□□□□□□□□□□

仙化三身感而必應款好千百信而遂通(印)感(印)□□□□□□

阿彌陀像贊詩序

太原列寧武樓寶

右刻殘蝕惟前三行之上半截有字可釋行軍司馬晉陽縣
開國子王公稷官爵姓名尚巍然無恙字體精嚴有唐經生
風格非此寥寥十餘字鮮不以爲唐刻矣紀年亦泐惟存秋
八月十有五日字以王稷證之知亦爲慶歷中刻壬寅下陸
字當是撰書人之姓而名亦闕王稷繕完橫舍又布金於祇
園之地其人亦風雅好事者宜范公樂與游處也武懷寶一
鐫工而大書姓名踰於碑字三倍強至和二年史世則一石
亦其所刻武懷寶刊四字橫列在右行疏而短皆非石刻所
經見康熙陳奕禧題名龔右上角而刻之削方爲圓香泉先
生之好古何不學至此亦貞珉之一厄也

李丕且題名

一行直下十五字字約徑二十精
強年月小字雙行在上下勅其書

德順通理李丕且洎進士王因同到此魏隆下闕月二十

丕且二字當一字似草押但真書耳按范文正公集有同州
觀察使李公神道碑云天禧三年七月甲戌制曰刑部侍郎
士衡可三司使公字天均隴西成紀人也今上即位拜尚書
左丞除同州觀察使知陳州改潁州會曹襄悼公得罪公以
親累分司西京還長安以天聖十年五月二十六日薨男六
人丕顯丕績皆早世丕諒太常博士集賢校理郊甯環慶路
兵馬鈐轄後公十一年而亡丕緒尚書水部郎中丕遠殿中
丞丕且國子博士據此文丕且爲士衡之第六子宋史李士
衡傳後但附丕緒其餘五子皆不書階州續志名宦傳引王
華陽集李公墓誌銘云李丕且字晦之寶元閒以大理寺丞

監階州酒稅士衡天聖十年卒即明道元年丕諒之亡後十一年則爲慶厯三年中閱寶元二年康定一年丕且寶元開以大理丞監階州稅而范公書其官曰國子博士結銜不合是范公作此文時丕且已改官但未知何時赴德順軍耳攷東都事略韓魏公以籠竿城據衝要乞建爲德順軍以敵蕭關鳴沙之道續通鑑慶厯三年春正月辛卯詔陝西沿邊招討使韓琦范仲淹建渭州籠竿城爲德順軍用王堯臣議也宋史地理志德順軍慶厯三年即渭州隴干城建爲軍所屬有隴干一縣水洛一城靜邊得勝等五寨中安威戎兩堡丕且題於慶厯閒正當韓范諸公論列之後巍然百堵版築方

新且爲涇原重鎮王禹玉文稱階州叛羌淪盟不旦單騎至
其區落責以背約衆泣謝無敢犯階人德之爲立生祠必有
邊才聞於朝著巖疆初建擇能而畀之宜矣續通鑑攷異云
隴竿史志作隴干九域志作隴竿皆聲譌實一地也余秦使
度六盤山登絕頂有礪寨額題隴干鎖鑰字其下即古之瓦
亭寨彈箏峽亦經此范文正集後附尺牘有與通理虞部書
又有翰長學士安撫太保諸函以此例推則通理亦官名也
涇州回山王母宮與邠接壤有皇祐元年權守郡事王正倫
通理郡事馮維師題名通理與權守對文在郡守之下可知
通理猶通守貳郡之通稱也余初得此刻援羊城九曜石南

容少連夷吾題名之例此寺題名无老廷老介夫一刻亦不
書姓名而書字以德順通理丕且爲三人之字及詳攷而始
知丕且爲李士衡之子名也非字也德順之爲軍名也通理
之爲官稱也附書於此以告世之攷古者未可師心而臆說
也至進士王因則不敢強不知以爲知已

李登題名

一行直下九字字約
徑一寸二三分真書

李登爵剏因紹題字是

此刻無年月一行寥寥十餘字附前題之後不且既通判德順軍其兄丕諒又終於邠甯環慶路兵馬鈐轄官輟往來邠為孔道宜其一再題名於此也

劉几廖浩然等題名

六行行五六字不等
字約徑二寸正書

劉几廖浩然

楊禹圭裴子

良胡拱辰李

之才皇祐二年

三月一日同遊

薛周題

宋史有兩劉几其一在汴京末謙靖先生劉愚之子附其父
隱逸傳年月不合其一爲劉溫叟之孫熿之子按溫叟傳子
炤炳熿熿子几字伯壽以熿任爲將作監主簿折節讀書第
進士從范仲淹辟通判邠州孫沔薦換如京使厯知甯邠涇
三州遷西上閤門使再歸郎中班曾公亮薦之復以嘉州圍
練使爲太原涇原路總管夏人寇瓦亭堡轉運使陳述古攝
渭帥几移文索援兵不聽率諸將偕請又不聽乃趣以手書
述古怒移几鳳翔且劾生事朝廷遣御史出案述古默几亦
改鄜州召判三班院蓋几以任子起家入范公幕自後數厯
所至常在西陲此題在皇祐二年三月不書結銜未詳其時

爲何官攷續通鑑陝西轉運使陳述古坐權知渭州日擅移
涇原副摠管劉几權知鳳翔降少府監知忻州在治平二年
二月上距皇祐之初已踰十載又攷几傳其知邠州時儂智
高犯嶺南上書願自効疾馳至長沙見狄青大戰於歸仁鋪
賊平始進皇城使知涇州儂智高之叛在皇祐四年夏踰年
而平皇祐二年几尚未至廣南范公於慶厯五年十一月即
自邠州改知鄧州此時几已離幕府以此推之必其知邠州
時所題無可疑也自廖浩然以下皆其幕僚治易之李之才
攷宋史本傳初爲衛州獲嘉主簿再調孟州司法參軍中書
舍人葉道卿薦改大理寺丞緱氏令龍圖閣直學士吳遵路

辟澤州判官卒於懷州官舍始終未嘗至邠州此題李之才
與青社李挺之先生姓名雖同必非一人廖楊裴胡宋史皆
無傳惟薛周元祐諸賢頗稱道之蘇子瞻詩有和劉長安題
薛周逸老亭詩一首稱周善飲酒未七十而致仕王龜齡注
劉長安劉敞原父也詩云近聞薛公子早退驚常流又云翻
然拂衣去親愛挽不留隱居亦何樂素志庶可求誦其詩論
其世蓋亦隱君子之流也坡詩作於鳳翔在嘉祐辛丑壬寅
間周年未七十則皇祐二年計其年纔踰五旬正在服官政
之日此時或亦為幕職蕭寺同游執簡以後大夫之後片石
幸傳又得坡詩以證明之亦其高風亮節自足以千古也

又按胡拱辰宋史亦有同姓名者一人附忠義宋應龍傳德祐末知興化縣城陷死

通判鄧永世等題名

八行一行五字一行四字相間字大小不等約裡三四寸上下年月一行擠一字略小真書右行

六月同遊

至和二年三月

推官李育

書記賀撫辰

判官文同

知縣閻仲甫

巡檢趙青

通判鄧永世

宋史文苑傳文同字與可梓州梓潼人漢文翁之後猶以石室名其家初舉進士稍遷太常博士集賢校理知陵州又知洋州元豐初知湖州據此刻結銜同為太常博士集賢校理之前又嘗為邠州判官而史不詳按四庫提要丹淵集四十卷拾遺二卷年譜一卷宋文同撰同皇祐元年進士解褐為邛州軍事判官後歷知陵州洋州改湖州未上而卒今畫家稱文湖州從其終而言之也提要云云當據年譜然則同為幕職又自邛州量移而至邠州此刻在至和二年三月上距同皇祐初解褐已七易歲浮湛一官始終不離軍州幕職亦可為數奇矣蘇子瞻送文與可出守陵州詩奪官遣去不自

覺曉梳脫髮誰能收言其淡於仕進不以一官介懷蓋實錄也自通判鄧永世以下皆邠州庶僚事蹟無攷按宋史職官志宋初懲五代藩鎮之弊置諸州通判建隆四年詔諸府公事須長史通判簽議連書方許行下所以分太守之權也其職綦重大郡置二員餘一員其下即為幕職官有簽書判官廳公事省文亦可稱簽判又下為推判官判即同官推即李育官也推官位次於判官而文牘往往稱推判時俗相沿亦便文也又下為節度掌書記則賀撫辰之官是也州之幕職盡於此若知縣為親民之吏巡檢武臣有沿邊溪峒都巡檢有蕃漢都巡檢亦有無都字者一州一縣掌巡邏譏察之事

軍州雖得而監臨之要非幕職故列判官之前以通判領銜者太守未至也此刻與劉几題名皆在慶曆以後觴詠高會文武咸集非曩霄息兵西陲無事安得有此

史世則馬清題名

七行前三行行五字後四行行四字行前密後疏前長後短
字前小後縱錯落不齊刊人姓名一行六字在後其音右行

里人武懷寶刊

高行者

六日誌

鑿硯

二季五片

涇原至和

馬清監兵
西頭供奉官
東頭供奉官
世則同與

涇原路治渭州宋史職官志武臣敘遷之制自三班借職一轉爲奉職再轉爲左右班殿直三轉爲左右侍禁四轉卽爲東頭供奉官西頭供奉官其資尚淺內臣亦有供奉官隸內侍省但於東頭西頭上加內字以別之此無內字則史世則馬清皆武臣也刻字人武懷寶此題里人而王稷阿彌陀象贊亦其所刻又冠以太原二字當是其郡望而所居則在邠也其下有高行者捧硯攷石刻惟題名有捧硯之例余撰語石得三通一爲華陰廟高紳題名咸平夷直捧硯一爲七星巖朱顯之題名慶曆二年男諷捧硯一爲啓母廟王邳陳彪王淵題記政和戊戌捧硯劉天錫得此又增一刻語石脫藁在度隴之

前未見此刻補記於此

曹穎叔題名

二行一行居中九字直下字的徑二寸騎年月一行在左
網三之一俱真書年月下有泐故是亦磨去舊題重刊者

曹穎叔秀之按歷過此
嘉祐己亥寒食白頰

曹穎叔字秀之亳州譙人宋史有傳此刻在嘉祐己亥嘉祐
改元值丙申己亥爲四年傳稱穎叔爲開封府判官時元昊
死爲祭奠使邠州正其所經驛程按續通鑑夏遣楊守素來
告其主曩霄之喪命開封府判官曹穎叔爲祭奠使賜絹布
羊米麩酒如例在慶曆八年二月下推嘉祐中隔皇祐至和
在己亥前踰十載非奉使時所題也又攷本傳穎叔後除直
史館知鳳翔府徙益州路轉運使擢天章閣待制知福州累
遷右司郎中陝西都轉運使進龍圖閣直學士知永興軍卒
以其所歷官攷之當是摠陝漕時所題成都諸葛武侯祠堂
亦有穎叔題名

在唐柳公綽
所書碑陰

在皇祐庚寅仲春廿六日計其

時穎叔爲蜀漕官輒先後釐然甚明蜀題名華參子高書而
此刻不署書人名或即其自書耳傳又稱穎叔初名熙因夢
更名穎叔進士及第韓琦文彥博嘗薦其才在陝請罷鑄諸
郡鐵錢停兩川和買縮給陝西兵其惠政亦頗多可紀云

太原陟景昇題名

三行行九字字約
徑二寸上下真書

嘉祐五年五月十一日
因往陜原寺路太原陟
景昇在祀記

陟景昇未詳按鄧名世姓氏書辨證二十九葉有陟姓其先
晉大夫涉佗以邑為氏潞州涉縣即其地也引晉涉賓漢涉
何為證然其字从水非陟降之陟从阜之字姓氏書皆不載
廣韻亦不言有陟姓

廣平宋永之等題名

曰行行八九字不等字徑一二十寸大小亦不等底有直碑兩
行行闊至四寸許刻迹紛披疑有篆文磨去重刻真書右行

九月十有七日題

壽之借遊是關將甲辰
同曹允中鄧仲堅姪
廣平宋永之弟孝之

熙甯丙辰宋唐輔題名觀前太守叔父二公題刻當即指永
之孝之也夫曰太守永之亦嘗知邠州矣而兄弟皆不見於
史何也唐輔自署洛陽攻汴京之初宋爲著姓公序兄弟官
最顯初爲安州安陸人後徙開封之雍邱宋持正混父子京
兆長安人宋公垂父子緩其子即宋徽求次道趙州平棘人惟孝章皇
后之父宋偓爲洛陽人宋史本傳稱其爲後唐莊宗外孫漢
祖之壻女爲太祖后貴盛鮮與爲比此刻諸宋疑出其後曹
鄧亦皆爲貴族而允中仲堅皆無攷紀年但書甲辰而無建
元由熙甯丙辰上推第一甲辰爲治平元年故附此

无老廷老介夫題名

三行前一行密十一字字徑二寸稍弱後二行疏
行紙八字字徑三寸尚強上下齊平真書右行

夢得題美以撥馬
廷老介夫周遊隴干
治平乙巳三月十九日无老

宋唐輔題名弟廷老書此題三人內亦有廷老疑一人然熙
甯丙辰上距治平乙巳踰十二年之以廷老既有題字在前
續題何以不追述且其登閣爲觀叔父二公題刻前此未嘗
見即未嘗游可知是仍當在闕疑之例又按東坡集有次韻
王廷老詩二首又有送王伯敷守虢詩自注王廷老字伯敷
陔號誠相近然此刻書字不書名錢唐石屋洞有王廷老題
名二通水樂洞一通皆熙甯中刻此則東坡之友而未可以
概邠刻也宋人以介夫夢得爲字者數見不鮮鄭監門俠字
介夫孫狀元抃字夢得名最著然未嘗至邠同游皆字題者
不應獨書名夢得自非吾家少蘊先生范祖禹字淳父一字

夢得然所見同時人詩文皆相稱以溥父晉祠題名有崔君
授夢得其人無他事蹟可攷均未可援為此題之證美之同
游附書人之後既非續至又不與三人同列書法特異均所
未詳隴干不專指籠竿城邠涇以高原分界今長武縣城即
在高原之上自原而下過涇州登絡盤山頂樹木為闕猶書
隴干鎖鑰字古樂府所歌隴頭水即指此其地古通謂之隴
干

朱□等題名

二行一行十二字一行八字字約徑
二寸真書右行刻畫淺率刻過已極

朱公非十日同遊
朱公非十日同遊
朱公非十日同遊

二朱事蹟均無攷朱下上一字似治下一字似杭細如游絲窮目力而後辨丙午英宗即位之三年攷續通鑑是歲邊帥程戡孫沔相繼卒夏諒祚舉兵入寇環慶經略安撫使蔡挺以柔遠城惡命副使摠管張玉將重兵守之諒祚圍大順城中流矢遁去復寇柔遠為張玉所卻冬十月以同簽書樞密院郭逵為陝西四路沿邊宣撫使兼權知渭州蓋自元昊納款以後至是西邊又騷然不靖歲云暮矣棣華來游正在大順柔遠解圍以後

仲遠題名

三行一行二字字的徑二寸
強年月二行略小其書右行

口口
口口
仲遠

宋史蔡齊傳從子延慶字仲遠中進士第神宗時帥高陽移定武元祐中入為工部吏部侍郎卒此即其所題也平上三下皆泐一字當是治平四年三月改本傳延慶中第後由通判明州歷福建路轉運判官提點京東陝西刑獄神宗初以集賢校理開封府推官知河中府英宗崩於治平四年正月丁巳三月神宗初即位此時延慶正在陝西提刑任內華陰岳廟延慶題名二通一在熙甯六年官秦鳳路都轉運使時而其文追述前游有云治平丁未領本路提點刑獄謁祠下丁未即治平四年一歲之中之華之邠蓋皆一時按部事此刻之出於延慶延慶之即為仲遠以兩刻互證益信而有徵

矣一在元豐己未結銜爲龍圖閣直學士涇原路經略使史不書但言王韶入朝廷慶攝熙帥則史略也曲陽北岳廟亦有延慶題名二通一元豐八年在皇祐韓琦碑側一元祐二年在大中祥符碑側當是帥高陽時所題也傳稱延慶有學問惠政登高作賦本大夫九能之一宜其所至留題也此刻剝蝕已甚年月之外僅有仲遠二字亦在若有若無閒而證之史傳參以他刻厯官年月若合符節不啻編年之可紀焉此石刻之有資於攷史也

曹起題名

六行行四字字徑
二寸稍強真書

曹起仲留
元友徽仲
姝寔清臣
熙寧戊申
季夏中旬
日同遊此

呂汲公名大防字微仲元防亦字微仲其亦如長卿之慕蘭
生歟姪寔繫微仲之後似屬元然曹起又居首或統於所尊
未知其爲曹爲元此書法之疏也熙寧戊申即爲改元之歲
夏主諒祚新殂其子秉常立神宗亦御宇未久兩國弔賀必
有一介往來二仲或爲使副未可知也

智周叔姪題名 附杜良臣題名

三段相連橫列第一段四行第二段三行略高第三段六行行皆二字字約徑一寸三分大小相等均真書前一段俗書漫漶與再經一段筆迹懸絕底有泐字除未盡疑即智周請題度治重刻不相家

杜良臣
智周
叔姪
題名
刻石

二文觀題經列
叔尉筆字頌石

觀再經二字此為續題前游必尚有題字而今佚矣其下又有續題云二叔太尉親筆姪頤刊石此寺有照甯安頤題名以二刻互證知此頤之為安頤又知智周之姓亦為安宋皇祐間安俊為西州名將字智周久在邊必其人也按宋史安俊傳其先太原人仁宗為皇太子俊以將家子選為資善堂祗候及即位補右班殿直累遷環州都監破趙元昊吃江井那諸砦安撫使韓琦上其功遷內殿崇班環慶路都監徙涇原葛懷敏敗命為秦鳳路鈐轄復徙涇原因條上禦戎十三事改原州秦州築古渭城蕃部大擾徙秦鳳路摠管厯龍神衛捧日天武四廂都指揮使環慶路副摠管卒贈閩州觀察

使平生戰功事蹟皆在西邊邠州自其熟游之地太尉武選
第一階史以散官故略不書傳又言環州得俘虜种世衡問
孰畏曰畏安太保指俊於座曰此長鬚將軍也安頓敘叔官
必無誤而虜稱爲太保者按宋史職官志合班之制太傅次
太尉太保又次太傅注云國朝以來自太傅除太尉世衡得
虜之時智周或尚未進於太尉也未一字爲艸押與元豐五
年趙諒謁華岳題名正同涇州回山王母宮亦有智周題名
皇祐四年仲秋二十有二日書姓名不書字其後有熙甯九
年其子定國續題今皆存

又按杜良臣一通篆刻在舊題之上疑卽爲智周前一刻書

跡雖拙率自然佚宕亦宋人筆也兩園字中皆泐園疑爲圓
之俗體以本寺李寬題名僧從顯從忍例之圓堂圓聰兩釋
子名也艸堂寺題名元祐壬申張保源澄之僧紹蒙紹希蘇
子瞻臘日游孤山訪惠勤惠思二僧亦同此例

安頓題名

後半湯存八行行三字
大字徑四寸強其者

安頓四
路往復
幾三紀
常游慶

壽今宰
新平再
登像閣
熙寧戊
下間

年月已不完熙甯下但存戊字熙甯元年值戊午越十年戊申則爲元豐元年此刻非戊午元年即元豐改元之歲亦得爲熙甯十一年也四路者按宋史地理志慶厯元年分陝西沿邊爲秦鳳涇原環慶鄜延四路地之相去不啻二千里三紀往復則踰三十年矣而僅僅以百里自効頓亦數奇矣哉新平邠之附郭縣自隋唐以來爲邠州治所安頓將家子而書法似端人正士入顏平原之室此刻與智周題名後一段精整如一知其爲手書也史不附俊傳幸有石刻以傳之

劉宗傑等題名

四行行五字字約徑二寸
真書右行四面雙線為圖

二月初三日
親遊此已爾
宗韓宗度符
河南劉宗傑

三劉史無傳攷粵西金石略臨桂諸山劉誼曾公巖記及與張頡曾子宣題名同游皆有劉宗傑曾公巖記附唱和詩劉宗傑一首云謝公高興在東山尋得仙巖郡邑邊萬朵蓮峰凝碧乳一溪鳴玉逗寒泉由來物外無塵景須信壺中有洞天嶺服已安覆詔近莫將歸夢更留連其結銜為權發遣提點刑獄公事尚書屯田員外郎其餘題名皆署提點刑獄太常博士元豐二年六月初三日伏波巖一通宗傑下有唐輔二字以前苗時中子居後齊諶子期例之亦其字也雒山張頡龍隱巖曾布兩通皆題洛陽劉宗傑與此刻同而墨線山一通獨易以永安字攷宋史地理志京西北路河南府有永

安縣在鞏縣西四十里河南府即洛陽書邑望則曰永安書

郡望則曰洛陽其實一也臨桂諸刻皆在元豐初

張頴雄山元年八月

初七日

又迴穴八月二十四日

劉誼曾公巖記

二年九月

月二十六日

曾布龍隱巖二年四月二十日

又迴穴五

月一日

又壘珠山六月初三日

又

元豐元年值戊午此

伏波巖與上同日

又水月洞中秋

元豐元年值戊午此

刻已酉當為神宗熙甯二年是時宗傑年尚幼從宦在邠板

輿登眺伯歌季舞依依孺子之慕越八年而至元豐初則可

以出而仕矣以其時攷之無不合又按劉誼元豐三年尚有

題名三通前題諸子如陳倩齊謚仍在同游之列而宗傑姓

名已不見雉山巖寺

三年十二月十七日

一通彭次雲結銜為提點刑

獄然則二年以後宗傑已去粵而彭來代之其蹤跡可攷見

者如此

楚建中題名

二行行十三字字
約徑四寸五書

雜陽楚建中正
故熙宣壬子八月
九日自鄜延環慶
涇原過此歸雍

楚建中字正叔洛陽人宋史本傳與此題合傳言建中主管
鄜延經略機宜文字夏人來正疆土往往其事按續通鑑慶
曆六年冬十月詔遣張子奭往延州與夏國議疆事十一月
己卯遣著作佐郎楚建中往延州同議夏國封界事以張子
奭道病故也其時尚在仁宗朝此題爲熙甯壬子上推慶曆
六年相距至二十六年之久此二十六年中以本傳攷之建
中累遷提點京東刑獄鹽鐵判官歷夔路淮南京西轉運使
進度支副使今湖北東湖縣三游洞亦有正叔題名承治平
元年清明後一日張告題名之後六日自署新夔漕楚建中
則其在夔路時所題也傳又稱神宗用事西鄙以建中嘗爲

邊臣所薦召欲用之言不合旨出知滄州久之為天章閣待
制陝西都轉運使知慶州此刻在邠則其官陝漕時所題也
范文正奏議有薦杜杞諸人館職劄子建中即與其列傳謂
邊臣薦即指此緣此可知其為夔漕在治平開摠陝漕在熙
甯閒陝西沿邊秦鳳涇原環慶鄜延四路并熙河為五路建
中所歷四路之中惟餘秦鳳一路蓋宋時陝有兩轉運使一
在永興軍鄜延環慶在其管內一在秦州秦鳳涇原在其管
內建中為陝漕秦鳳非其所屬兼言涇原者往來驛路所經
也永興軍在宋為京兆府今之西安古之雍州也自鄜延環
慶道涇原而至雍則歸矣曲陽北岳廟有楚執中題名皇祐

辛卯仲夏當是建中之昆弟史無傳

范恢題名

前年闕存七行行四字
字約徑三寸強其書

此熙寧壬
子冬十月
七日訓練
本道軍馬
范恢仲徽
錢行書于
石壁

此餞別題名也范恢為主賓之姓名已泐損訓練本道軍馬
六字爲年月所隔似當屬下范恢然非結銜何以冠於姓名
之上疑莫能明也要之賓主皆爲治軍至此按續通鑑熙甯
五年二月丙寅以龍圖閣直學士知渭州蔡挺爲樞密副使
挺在渭州建勤武堂輪諸將五日一教閱隊伍金鼓之法甚
備甲兵整習常若寇至奏以涇渭儀原四州義勇分五番番
三千人防秋以八月十五日上九月罷防春以正月十五日
上三月罷周而復始此題在十月中旬正當防秋番休之後
又按是年五月辛巳以古渭砦爲通遠軍以王韶知軍事行
教閱法恢所餞疑非蔡挺即王韶但挺在二月即拜樞副之

命計是時已雜渭州似王韶尤爲近之蓋熙甯初神宗用王
荆公之議銳意西略志復河湟諸將希旨競言治兵而王韶
於是年引兵城渭源堡破蒙羅角又破瑪爾戩首領贍藥等
城武勝以爲鎮洮軍是冬置熙河路即以韶爲經略安撫使
在邊臣中尤有威望朝廷方嚮用輕軒旣駕簡書在道而守
臣於攻同之日宜有道軼之禮而歌還率之詩也

洛陽宋唐輔題名

五行行七八字不等
字徑二寸行書右行

登閣第廷堯壽
升父丘公題刻因而
游憩蠡蠡觀前太守
丙辰歲仲秋晦日
洛陽宋唐輔題名

宋唐輔未詳前无老題名其次爲廷老此刻題者亦廷老頗疑其兄弟重游但何以無一言追述自治平乙巳至熙寧丙辰一星終矣前後兩游亦過父然華陰蔡延慶題名熙寧六年刻其初至在慶曆五年元豐己未又有延慶謁祠記一人三到首尾三十餘年則十二年未爲遠絕疑莫能明姑闕之以俟攷

戴天和李思齊張幾聖題名

四行行五字字約徑四十年月兩行
十字分注末行集字下真書右行

歲集月十八日題
元豐己未三
仙尉張景封
齊張幾聖赴
戴天和李思

此文士宴集也觀其詞藻飾而知之戴李張三人皆書字其名其事蹟均未詳宋時縣令下丞簿不皆置無不置尉者宋史職官志建隆三年每縣置尉一人在主簿下掌閱習弓手戢奸禁暴凡縣不置簿則尉兼之此尉爲新平縣尉用漢梅子真神仙尉故事耳回山李宗諤題名同游者周天倪結銜爲新平簿是新平邊要簿尉兼置觀其題刻景封天倪亦一時之選非風塵俗吏也

李孝廣題名

四行行四字前二行字約徑三寸後二行略
小綱三之一其書右行刻有斷故非刻也

七月九日

元豐己未

廣世美遊

郵城李崇

宋史地理志鄆城屬京畿西路濮州濮陽郡廣上一字中間
微斷諦審是孝字李孝廣史無傳按宋史李迪傳迪字復古
子東之字公明弟子及之字公達東之子孝基及之子孝壽
孝稱兄弟皆以孝字爲序迪景祐初進士下至孫輩正當在
熙豐間惟史以爲其先趙郡後徙幽州非鄆人耳然攷郡齋
讀書志李復古集一百卷皇朝李迪撰濮州人謚文定鄆城
正爲濮州縣晁氏以宋人紀宋事必不誤又攷三巴香古志
達溪縣新修淨戒院記宣和五年李孝端撰結銜爲鄆城縣
開國男宋時封邑或以郡望如李封輒爲隴西公張爲清河
公之類是也或以所占之籍如孝端之食鄆城是也然則孝

廣孝端皆文定後以讀書志為證并可訂宋史之謬
又按孝廣之字曰世美宋錢唐韋驥集有別李世美詩一首
兩賢同官閩中賡唱迭和爛然篇幅今集中尚充初四庫提
要韋驥字子駿皇祐五年進士建中靖國初除知明州乞官
祠以卒攷其從政四方正在熙豐之際此刻孝廣當即韋集
之李世美但書其字耳

蔣之奇題名 附周天倪續題

一行直下十字字約徑五寸右為年月一行十字左
為續題一行九字字大小不齊均不及二寸並行書

元豐三年十月十五日

蔣之奇來瞻禮聖量壽佛

後七年周天倪續題

蔣之奇字穎叔宜興人樞密直學士堂之姪以叛廬陵公爲清議所薄然爲部使者十二六典會府所至登臨題詠風流文采照耀巖阿攷宋史本傳先後三至陝其在神宗時由淮東轉運副使歷江西河北陝西副使則在元豐六年以前由戶部侍郎出知熙州則在元祐以後哲宗元符末責守汝州徙慶州此刻在元豐二年則其爲陝西副使時所題也余所見穎叔題名關隴有四通一在華陰岳廟與王希藉同游元豐二年六月四日最先當是赴陝道經所刻此刻在十一月十二日回山王母宮一刻則在廿六日由邠而涇按部行程以日計之若合符節庚申正月留題坊州玉華宮詩則爲元

豐三年後此一年矣按宋史本傳稱之奇在陝公私用足移淮南擢江淮荆浙發運副使元豐六年漕粟至京比常歲溢六百二十萬石江淮荆浙漕政六年已有成效則其之官非一日度三年後即去陝矣周天倪題名在己未後七年為元祐元年丙寅是年尚有王雍李惇義一刻歲月甚近何以不附其後而必遠及七年以前舊題攷韓魏公題名後天倪亦有題識自署晉陵今之常州也宋時常州毗陵郡縣四晉陵武進宜興無錫然則天倪與穎叔同郡桑梓後進接踵來游故樂得而附之

張太甯題名

四行行七字字約徑四寸弱行書右行唐治舊
題重刊王覺右側有八月二字磨未盡尚法州

避元豐五年人日

成都王覺李剛中
還蔡按部經此同
晉原張太寧自涓

三巴晉古志資州龍洞碑撰文者宋京尚書郎張察篆額東
武劉氏據費著氏族譜云張察唐張九皋之裔隨扈僖宗幸
蜀傳三世曰載揚生維峻維峻生起寶元中進士太常博士
生太甯治平四年進士知邠漢渭等州四入為尚書三使持
節遷陝西路都轉運使生察以大小篆名知鼎州此張太甯
即察父也費著但言為蜀人此刻自署其望曰晉原按宋史
地理志崇慶府屬成都府路本蜀州唐安郡紹興十年以高
宗潛藩升崇慶軍節度洵熙四年升府晉原其負郭縣元豐
尚未升軍則此時猶屬唐安郡太甯其郡人也慶壽寺在邠
州境內渭州治平涼往來亦必由邠郊太甯既歷任二州此

剝自為熟游之地但宋時州守其權不出一郡鄰封之政非
所宜問此云按部又云自渭還雍當是摠陝漕時所題雍為
長安正漕司治所壬戌為元豐五年由治平通籍歛厯州郡
凡十五年而至陝漕云王覺李剛中皆同鄉或其幕僚事跡
無攷

王戩种師中等題名

四行行六字字徑二十上下
其書為人磨損深遠已極

王戩种師中等題名
林元崇七年並
月七日同築

王下似戩字李下似相字皆模餽不甚可辨种師中字端孺
謚莊愍宋史附其祖世衡傳此刻孺字亦不完誤釋為穆字
以本傳互證而始知當為穉或是稚皆孺之同聲字也种氏
三世為名將戰功皆在西陲據傳師中厯知環濱邠州慶陽
府秦州侍衛步軍馬軍副都指揮使房州觀察使奉甯軍承
宣使此刻當是知邠州時所題其後金人內侵詔提秦鳳兵
入援則其知秦州時事及與黏罕戰於壽陽石坑自言吾結
髮從軍今老矣此刻在元豐七年師中年尚少也按續通鑑
元豐六年夏四月知延州种諤卒越明年五月適在朞月之
後古人期功之喪周旋中禮如此种氏前有明逸師道又為

橫渠高第故以學行世其家豈但西州將種哉

張行中李行之題名

三行行五字字約徑二寸後年
月二行徑一寸強行書右行

月七日

元豐八年

秉燭登此閣

洛陽李行之

濛梁張行中

李惇義字行之關中有石刻五通其三在邠州慶壽寺此爲
第一刻其二一在鄆縣草堂寺元祐壬申秋社後一日劉銅
公範張閔仲達其次即李惇義行之惇禮彥中類彥明南公
鵬舉惇禮自是其弟類與南公從李姓相承而下則未可知
矣一在扶風縣楊珣碑後同觀者岐山劉唐□唐下一字闕
紹聖二年四月望日此刻元豐八年題前於草堂寺七年所
見行之題名莫先於此矣張行中不見有他刻行中與行之
對文亦其字而名則未詳濠梁用莊子文當是濠州攷宋史
地理志濠州縣二鍾離定遠舊屬淮南路熙甯五年分淮南
爲東西兩路濠屬西此在熙甯分路後則行中爲淮西人矣

范忠宣題名

泐存首四行行五字
字約徑四寸強篆書

高平范純仁

堯夫自慶極

名讓

萌率賓左游

丁巳

右刻僅存前四行年月佚攷忠宣集家傳及曾子開所撰墓誌忠宣任陝先爲轉運副使其後兩知慶州初在神宗朝環州羌盜之獄种古訟公難以誣告得罪而呂惠卿猶密奏公擅回省州牒黜知信陽軍其去也以左遷非內召哲宗初立再知河中府遷朝議大夫元豐八年夏復以直龍圖閣知慶州歲中擢天章閣待制召還充侍讀又除給事中明年即入樞府被召還朝正其時也此刻審爲公再知慶州入朝時賓佐錢別所題當附元豐八年後

張守約題名

五行行六字字大小不
等約徑二寸上下並書

張守約希參
邠移魏涇原兵
過壽寧縣男寬
特行丙寅五
廿六日書

續通鑑熙甯五年五月辛巳定州都監張守約請以古渭爲軍帝從之建爲通遠軍熙甯五年爲壬子以此遞推丙寅當爲元祐元年越十有四年矣宋史張守約傳濮州人以蔭主原州戡原砦爲廣南走馬承受公事二年四詣闕陳南方利害歐陽修薦其有智略擢知融州後薦可任將帥爲定州路駐泊都監建議以古渭爲軍即在此時其後役征靈武還進爲環慶都鈐轄知邠州徙涇原廊延秦鳳副摠管領康州刺史夏人十萬屯南牟畏其名引去此刻云自邠移摠涇原兵正其去邠州時所題也守約知邠州史無年月據此刻知爲元豐之末元祐之初後知涇州以龍神衛四廂都指揮使

召還道卒年七十五則其守邠涇時已在暮歲出游宜以子
侍也傳言其字希參與石刻合而涇州志名宦傳作希愛殊
誤

王雍李惇義題名

十四行行七字字約徑
一寸三分真書右行

宣光月十九日題
林之樂也元祐丙
朔夜二而不及山
空上下聞然信市
禽鳥晝棲殿閣半
恨時忽雲晦雨作
放懷吟酌有釋羈

山川氣象之雄而
通行役因獲四覽
境上閱時危磴以
將期於新平宜深
郭並駕投館慶壽
中李博義行之自
淮陽王雍聖欽洛

此為惇義第二刻丙寅為元祐元禊後於前刻一年王雍未
詳宋史王旦三子一名雍其人當在真仁閒旦大名人此云
濉陽時地皆不合非一人也前題云秉燭登此閣此云自邠
並駕投館慶壽前後兩游皆於禪堂茆舍不啻浮屠之三宿
矣又云將期於新平宜祿境上閱眎危磴以通行役眎古視
字閱眎云者戒塗方始畚鍤尚未興也按宋史地理志邠州
縣五新平宜祿三水定平淳化新平附郭據方輿紀要宜祿
在今長武縣東南為涇原環慶之要道期會調發國使往來
皆出於此道邠涇之間斷崖懸巖下臨湫澗千仞陡絕夏秋
大雨之後牆岸傾塌行旅往往斷絕此修路之政所以不俟

農隙也王李蓋亦官於邠者兩縣壤地毗連同時率作載簡
書而並出非其縣大夫即邠之郡僚奉臺符以涖事也釋朝
市之羈愁攬山川之雄秀林樊觀象因寄所託其言類有道
者然是時當哲宗初服溫公入相羣賢彙征海內拭目想望
太平招隱之詩可以不作豈熙豐元祐閒雖賢者亦不免有
門戶之見耶

維陽蠢孺洛中愚叟說偈

大字二行行五字字約徑三寸上下
小字四行行六字網其半真書右行

孺洛中愚叟云

如何耳維陽蠢

分我顧其所存

君子小人豈定

心險佛衆生

心平衆生佛

此刻無姓名無年月以濰洛二字爲證亦王李所題也是爲
惇義第三刻按宋史地理志京畿東路濰州上建隆三年以
青州北海縣建爲北海軍乾德二年升爲州縣三北海昌邑
昌樂今山東青萊二州之境也惇義之年雖不可攷即論關
中諸刻自元豐末逮紹聖初亦越十稔年事不可謂不富王
雍同服官政其年當少於惇義故一稱叟一稱孺孺先叟後
序官而不序齒也攷續通鑑元祐元年六月司馬溫公東園
議棄蘭州米脂等五寨安燾固爭前河州通判孫路挾輿圖
示光乃止惇義前題即在爭地後一月此倡心平心險又云
君子小人豈有定分其言深切而著明豈當時邊吏尚守荆

舒之說與元祐諸君子各一是非議論不能盡合蓋信前題
山林朝市皆爲寓言小雅刺詩非僅流連景光汎詠皋壤之
詞也

殘題名

二行一行九字一行六字字約徑二寸左右真書右行明
嘉靖馬汝驥題記某刻其上前磨闕全文若干行未詳

歲八月初四日

第季六日
此時戊辰

右刻二行泐存無幾季下似交字亦半蝕宋值戊辰開寶紀
元第一年其次天聖六年其次元祐三年慶壽宋刻始於康
定宣和以後無一片石中間八十餘年僅一戊辰此石可定
爲元祐三年刻

王舉題名

一行直下十字字約徑一寸六七分
年月小字雙行在下行各四字真書

安陽王舉觀魏國韓公題
三月廿四日
元祐六年

韓魏公以熙甯八年卒於相州下至元祐六年三月公騎箕
十有六年矣王舉以鄉里後進聞風興起詩曰惟桑與梓必
恭敬止又曰高山仰止景行行止豈惟流連古蹟已哉

又按直齋書錄解題天下大定錄一卷殿中丞通判桂州王
舉撰景祐閒人此王舉為魏公鄉曲後進時地皆不合宋史
藝文志小說類有王舉雅言繫述十卷其事蹟莫詳亦未可
援為此刻之證

周天倪題名

一行直下八字字約徑二寸年月小字雙行在下每行
各五字字約徑八分真書十一兩字似旁注非摹刻

晉陵周天倪聖和觀

為祐辛未歲
七月廿七日

元豐二年蔣穎叔題名後聖和先有題字後穎叔七年而至
哲宗嗣服之元歲也此刻在元祐辛未又五年矣涇州回山
王母宮郡倅李公諤題名聖和亦在同游之列次幕府張公
敏後歲次壬申又在此題後一年結銜爲新平簿邊陲未秩
涇邠兩郡有其摩崖三刻在風塵中不可謂非佳士元祐之
初衆正盈廷浮湛一官七年不調自元祐元年至壬申首尾七年澹於榮利
又可知也摩挲遺刻輒爲太息

范棟題名

五行行五字字約
徑二寸稍弱其者

河南范棟直
夫督環慶涇
原耀買過山
元祐壬申歲
除日

壬申爲元祐七年續通鑑是年冬十月夏人寇環州及永和諸砦知慶州章綏遣驍將折可適等伺閒以擊其歸夏師大敗盡棄供帳而逃死傷不可勝計范棟以歲除至邠州則其周歷涇原環慶正在章綏捷後采薇之詩命將帥遣戍役以守衛中國而其詞曰歲亦陽止正其時矣棟不書官按宋史食貨志熙甯六路西討帝以糧餉麤惡欲械斬河東涇原漕臣以勵其餘又李稷爲鄜延漕臣督運詔許斬知州以下可見軍興之際儲峙爲先責之也重故其任之也專糴政統於庾司吾知其爲陝西轉運使也又按食貨志神宗以西師無功大感悟飭邊臣固境息兵關中以蘇哲宗即位諸老大臣

維持初政益務綏靜邊郡無調發第令諸路廣糴以備蓄積而已陝西五路涇原環慶居其二是時宣仁猶臨朝紹述之說未進劉摯呂大防諸臣秉政必無開邊之事其出而督糴也所謂備諸路之蓄積收田家之穀不至甚賤而傷農實邊郡之倉可以有備而無患誠善政也然元符二年後此刻又七載而章榘時為涇原經略使奏言興師以來陝西儲蓄內外一空即今所在糧艸盡乏漕臣計無所出文移指空而已可見關中歲蓄盡耗於熙甯之用兵雖以元祐之初休養生息元氣卒未能少蘇也噫

河南張重等題名

三行兩行十二字字的徑二
寸年月一行略小其書右行

魏改元閏夏二十日

長安鼓默道歲終南隄雄武神
河南張重感火染王需子心

此刻同游四人惟張重王需有石刻可攷重兩刻一在昭仁寺碑陰紹聖元年七月庚戌此刻閏夏按紹聖改元之歲五月值閏則後於此刻不足兩月威父之父作甫古今字昭仁寺在今長武縣古之高塘城距邠州不及百里同時所題也一在華岳廟紹聖二年八月七日焦竑國史經籍志別集類有張重海川集八卷在呂吉甫鄧玉池兩集之後計其時亦在紹聖閒即威甫也需一刻耀州五臺山崇甯四年于巽唱和詩其第三首即王需署銜右侍禁監倉詩云真人廟食占茲城欲乞豐年在至誠五馬貳車恭款謁豐香烈火報登平犬雞仙去遺丹竈鸞鶴飛來認翠旌既就金方留世了終開

玉帝錄功成燕姓在宋惟燕肅父子史有傳其功名亦顯於西陲但爲青州益都人此刻燕默自署長安則非其族姓也或如范陽之盧博陵之崔所書者舊望耶陳雄未詳

劉淮題名

二行一行五字一行二字字約徑八寸年月
小字二行在次行下字徑三寸強篆書右行

喆 卩

月十卯日
紹聖乙亥五

聖 耀 曾 游 子

劉淮父子均無攷按宋史劉文質傳保州保塞人簡穆皇后
從孫也子十六人渙滄皆知名滄康定中爲渭州瓦亭砦監
押遷左侍禁韓琦范仲淹薦授閣門祇候築水洛城成瘍發
首卒弟淵將以其柩東歸居人遮道請留葬立祠祀之經略
司言熟戶蕃官願得滄子弟主其城乃命其弟洵爲水洛城
兵馬監押渙滄淵洵十六人得其四其餘皆不著劉淮名从
水疑亦文質諸子之一但無文以證之

進士辛九皋題名

一行直下十九字字約徑一寸三四分真書
以慶應李丕且題名進士王因證之亦宋刻

丙子八月十七日進士辛九皋刻字田利用同遊

辛氏爲西州大姓宣和閒邊將有辛興宗此刻辛九皋自署
爲進士以李丕旦題名王因證之亦當是宋刻宋太平興國
元年景祐三年皆值丙子慶壽題壁宋無景祐以前刻此丙
子當是紹聖三年再下一甲子則爲紹興二十六年宋又南
渡矣題名都無刻字人此石在同游之列更無第二刻可補
語石所未語

趙尚題名

二行一行八字一行九字
字約徑一寸五分真書

趙尚至此男洵淳侍
黃總偕行紹聖戊寅歲

宋史哲宗紀紹聖四年爲丁丑越歲戊寅六月朔改元元符
此刻不書月日但書紹聖戊寅歲六月未改元以前刻也藝
風堂金石目綿州富樂山有趙尚等題名在治平二年重陽
前一日先於此刻三十三年似又一趙尚然此刻有二子隨
侍則尚之年亦已老矣范文正公集有和黃摠太博上知郡
杜少卿七律一首又有謝黃摠太博見示文集詩中云仰止
江夏公大醇無小疵又云願此周召風達我堯舜知致之諷
諫路升之誥命司巍然長德推挹甚至非范公後進可知也
范公守邠在慶厯閒前於治平又十餘載偕游者如即此黃
摠則其行輩更躋趙尚而上之豈此二老靈光無恙閱四朝

而尚在仁英巖阿晚節携杖同行童冠追隨儼然有風浴詠
歸之樂有宋名賢若溫潞諸公皆有耆年盛集安必繼起之
無人也

李寬題名

四行行六字字約徑
一寸強其書右行

七月廿一日景雲侍
歷覽題刻已知
從顯從忍同登
李寬文饒寺僧

李寬未詳以贊皇之字爲字宋南渡後有李韶仕至端明殿
學士其子亦名文饒慕蘭之志出於同姓兩人先後一揆宋
第一己卯爲太平興國四年其後仁宗寶元二年哲宗元符
二年皆值己卯此刻後書景雲侍必其子弟本寺仇錞題名
同游者有李景雲即其人也仇題在宣和壬寅後於元符己
卯二十四年景雲之齒已長非復後游父兄撰杖隅立時矣
此刻得仇錞一通爲證可定爲元符二年

殘題名

三行兩行存三字中間一行溢出二字字約徑三寸真書荒率
畢刻於阿彌陀佛替上右首下截文理不屬是否一刻未詳

石佛之
造和五年
正月
刻

右刻三行下截裂損畫沙斷縷劣不成書年月之外惟有前
□峯三字峯上非求即來字來峯宋爲羈縻州領於四川雅
州路題此壁者殆自旄牛徼外來乎攷續通鑑政和五年春
正月瀘南晏州夷反梓州路轉運使趙通密奏賈宗諒激變
之罪秋七月奏調秦鳳涇原環慶兵三萬攻討詔永興路選
兵二千赴之辛巳又詔發涇原兵三千環慶二千押赴瀘南
聽用據通鑑所書趙通之奏雖以七月方上隴蜀連疆西邊
又爲勁兵所聚晏夷正月巳蠢動瀘事方棘豈必待朝命而
徵發軍書往來邠爲孔道韎韝附注之君子豈無能記姓名
者鳥跡倉荒亦似武人文字

隴西朋甫題名

四行行七八字不等字徑一寸
逾六七分亦不等行書右行

夢念六日顯

聖像皆重和已至茲

道山慶壽寺觀頌口

隴西朋甫按兵夜安

重和祇戊戌一年其年十一月己酉朔即詔改明年元曰宣
和此刻己亥實爲宣和元年猶書重和改元之詔尚未到邠
也隴西郡望李氏爲著朋甫自是其字而名則不可詳矣道
由慶壽非邠守土之吏可知按兵長安而出西道非陝之鎮
臣又可知關中爲陝西諸路中樞何以兵柄轉遙領於隴外
攷續通鑑政和四年夏人築臧底河城詔童貫爲陝西經略
使以討之五年正月貫以中軍駐蘭州二月庚午以童貫領
六路邊事時永興郡延環慶秦鳳涇原河西各置經略安撫
使以貫摠領之於是西兵之柄皆屬於貫是時貫在蘭州此
按兵者當亦自貫所來故由平涼涇邠以達長安非朝命也

宋當政宣之季女真驩強遼將亡夏亦積弱西陲宜可以息
肩然童貫滅底河之敗秦鳳三將全軍萬人皆沒夏人大掠
蕭關以去傳云牛雖瘠償於豚上其畏不死此言信矣雖日
討軍實而申做之亦何庸之有

宋仲宏題詩

十七行一行十字一行十二字餘
皆十一字字約裡二寸上下行書

宣和三年姪衍登第西歸因
與子炎載遊慶壽歷臨覽石
宮饒想文皇西征遺迹徵福
曜量豈式冰盡善故歟用少
陵登慈恩塔韻作一首蓋十
月十有二日也 宋仲宏父
季華迫人老正事無時休及
若出西城聊復寫我憂涇川

城高原木落萬景搜迢遙出
俗子架屋陰崖幽巨偽繞正
觀闕世周波沫山禽自朝莫
危樹空春煉石間紛題名又
物不可求但能祀秦主昔也徇
西州凱還戈甲明戰罷風雲
愁青蓮維出地白骨等燬丘
靈時得蕭精憾悔釋氏投古
苑劍蕊勸何不人鬼謀

宋仲宏詩刻多在隴蜀閒劉燕庭方伯金石苑資州北巖有
其詩一首作於大觀庚寅簡州周文王廟亦有七絕兩首作
於壬辰仲夏則爲政和二年也但署成都宋京宏父而無結
銜與此刻同資州詩云紅蓮幕下青城客五斗留人歸未得
衙回不用展山圖直到巖邊看秋色委蛇進退顛顛思歸情
見乎詞是其時不過幕職厯官尚未顯至宣和二年閒州香
城宮建五百羅漢堂記京題額其姓名上題朝奉大夫光祿
少卿權太府卿則已爲京朝官矣高陵太清閣有四詩前二
首宣和三年四月二十九日後二首四月晦相差不過一日
第一首起句云望斷秦原日月寬西來涇渭側依山後題京

請郡得幽取道渭上次韻奉呈奉議公第四首又有乞守初
來到渭濱之句是踰年而出守邠州宋時士大夫在朝不得
志往往乞一郡以出若京是矣至五年癸卯又有題乾陵無
字碑二詩前一首後題易使三秦訪古至此爲正月十四日
後一首三月望跋稱宋京按部再至弟下後行是其時京又
去邠官轍已更云按部云易使當是憲庾諸司或且帥永興
軍駁駁專制一方矣此刻在宣和三年十月乃是守邠時所
作年華迫人老王事無時休觀首二句若不勝揅掌賢勞之
感京亦倦於津梁矣宋詩紀事錄京詩但云成都人崇甯進
士金石苑引全蜀藝文志宋京雙流人崇甯五年丙戌蔡巖

榜進士父承之有二江先生集所述較詳而皆不著其所歷官以石刻證之其大略可見者如此按隴州有關山雪月詞石刻蜀宋構承之撰此當即京父承之其字二江又有別號耳此刻同游者姪衍子炎京尚有子名光周文王廟詩後有跋題紹興九年□月望日男右宣教郎知簡州陽安縣芟書芟古光字長安慈恩寺塔有宣和五年宋光等題名即其人也但光芟古今字不同耳京弟名卞與蔡元長兄弟同是同時有二京卞而名之顯晦殊矣不幸而晦尤不幸而顯也回山王母宮亦有京題一通宣和癸卯與乾陵同時刻蓋亦按部所題在此刻之後云

高郵秦□題寶勝佛象

五行行自十二字至十四字不等
字徑一寸三分行書左上角助

按寶瓶經載寶瓶國有支那師
號寶勝佛現比丘身為人說法
此像足也刻琢之妙有願隨畫
滿五色剝落因雇工飾之宜
和丰年
丹戎小高郵秦□題

高郵秦氏自是淮海居士一家宋史秦觀傳觀弟覲字少儀
覲字少章山谷集有次韻荅秦少章乞酒詩又有贈秦少儀
詩元祐下逮宣和初不過三十年計其年亦未耄惟此刻秦
下一字偏旁皆闕未敢輒定寶瓶經不見於大藏元應希麟
慧琳諸僧亦未有音義梵葉久亡不獨儒書有闕佚也顧謂
顧凱之陸謂陸探微

仇鐔等題名

五行行六字末行橫一字
字約徑二寸強真書右行

九月十四日秦游
康誼宣和壬寅
寧之李觀康佑
伯虎李景雲陳
仇鐔高安中王

同游八人惟李景雲為李寬之子寬題名景雲侍已著錄王伯虎錢唐青林洞有題名一通癸卯重午沈遼書何夢華攷為嘉祐八年此刻在宣和壬寅相距適周一甲子遠不相及然荆公集有酬王伯虎詩其末云說窮且版築尹屈事烹飪徂年幸未暮此意可勤恁似兩人皆在少年時山谷有次韻王炳之惠玉版紙詩炳之即伯虎字其人及與元祐諸君子游下逮宣和又似不甚遠未能詳也慈恩寺塔有康訓題名在政和四年政宣同時關隴地又密邇以偏旁證之知康誼為訓之昆仲其餘皆無攷

蒲慶隆題名

四行行八字字約徑
一寸三分行書右行

旦日題

石像宣和王寅初卷

職業經此瞻禮

閩中蒲慶隆光裔錄

宋史蒲宗孟字傳正閩州新井人蒲自字君錫閩州人閩中
蒲氏在汴宋末爲仕族宗孟晚年帥永興軍蒲自曾知隴甯
二州皆與邠鄰郡又在政宣之世光裔或以宗人疏附在官
故云以職事至此

張植題名

五行行五字字約徑一寸五六
分真書右行第五行以下開

宣和四年季
回憩慶壽寺
遂之宜祿往
藤緣檄南郊
張植郭林自

元豐九域志邠州縣宜祿在州西六十里又攷唐元和邠縣志縣南有宜祿川後魏廢帝以東陰繫縣改置周隋為白土縣貞觀二年又分新平縣置唐太宗與薛舉戰於淺水原即其地也其西五十里即今長武縣城邠涇大道也張植緣檄往回可知其非達官自雍至邠又可知其府主為長安壺司也

錢受之題名

二行一行七字一行二字
年月小字側寫墨書右行

閣下宣和癸卯三月望日成侍行
長采立專 錢受之携家恭禮

錢受之與其子咸皆無致以東澗翁之博聞闊覽而不免與
古人同字虞山西未至空同明以前此寺石刻又不著於錄
也使無年月千載而下不將滋後賢之聚訟哉

錢受之題名

一行四大字字的程六寸尚強左有斷
筆惟末一遊字略可辨無年月真者

錢受之登

上關
遊

前題云携家恭禮閣下明乎其未登閣也此云錢受之登高閣崔魏所携細弱未能從登故特書四字以別之四字自爲一行與傳慎微一石同例承前題而來故不書年月

靖康要錄宣和七年三月錢蓋除龍圖閣學士充陝西路制置使專一措置京兆府等路保甲蓋史無傳以時以地計之皆合未知受之即其字否姑記之以俟攷

又按宣和五年正當韓離不犯汴京种姚諸將率師勤王中原鼎沸西事已鞭長莫及當其時守土之臣慎封圻謹關梁之不暇而乃山川舒嘯猶若承平無事者幸夏亦積弱否則自關以西豈宋有哉

陳述古題名

二行行五字字
徑四寸真書

光祿卿陳述
古三過此院

有宋中葉同時有兩陳述古其一陳襄述古其字宋史有傳
蘇文忠集判杭州時與唱酬之什最多其一為陳堯咨族子
堯咨附兄堯佐傳述古又附堯咨傳後但云太子賓客致仕
不言所歷官劉几傳几權涇原副都摠管與陳述古交訟致
續通鑑治平二年二月丙午降陝西轉運使光祿卿陳述古
為少府監知忻州坐權知渭州日擅移劉几權知鳳翔并劾
几罪失實故也王臨川集有三司鹽鐵副使陳述古兩制一
授衛尉少卿一授朝奉大夫綜論其前後官外歷監司內至
卿寺而史皆闕不書此刻結銜光祿卿當是在陝漕時所題
又可知其非陳襄也述古在陝自守渭州游持漕節簡書往

來三過郊當在此日河南濟源有寶元己卯登高節陳述
古題名其子知素於治平丙午續題在後浙之餘杭大滌洞
有述古及陳襲古陳求古題名求古又有題字在永嘉飛霞
洞至和二年皖中潛山石牛洞有陳奉古題名皇祐甲午皆其羣從堯
咨之兄堯叟三子長師古仲希古族子博古爲館閣校勘早
卒並見本傳頴川家學一門競爽朝士無出其右即此刻可
覘一斑矣

字希大同雲鵬題名

三行一行四字二行五字行疏字亦
大小不齊約徑三寸左右篆書右行

是日兼燭題

雲鵬題名

字希大同

字希大同雲鵬義未詳若以爲三人之字但云是日不書年
月其文爲承上之詞當別有一刻在前此寺題名三人同游
但書姓名不書字者惟有張泰甯王覺李剛中但泰甯爲郊
州守此云應詔必非一人一事其姓名不可得詳矣但以小
篆圓勁似徐鼎臣兄弟定爲宋刻

殘題名

一行直下冊存十字第七八字又鉅損似有所碎
而磨去字的徑一寸三四分真書寄為宋人刻

上關
舍人親筆題名

刻石

年月佚據舍人二字是宋刻元祐黨禁海內蘇氏石刻鏡毀無遺此刻舍人上闕刊石上亦有泐字推尋文義皆爲姓字當是有所諱而去之然蘇子瞻未嘗至邠州慶壽諸刻黨籍有名者范忠宣蔣穎叔其官稱皆不合范文正集有祭尹師魯舍人文忠宣集有和滕中舍見寄詩若謂舍人指滕尹二公師魯子京皆以功名終又無身後之禍何以前兩刻不毀而於此刻諱莫如深前賢題字非有名德如韓范諸公者末由動後人之景慕曩曩芥壁論定良難姑闕疑以俟攷

此刻姓名磨之務盡所謂親筆更一字不留矣蔡元長秦會之遺跡存者無幾巨奸大慙山靈騰誚後人見其姓名從而

去之猶可說也若磨者即出於刑者當其盛時附驥尾以致
青雲及其敗後猶朝衣而坐塗炭狐埋狐搢以避比匪之傷
則其人亦非端士矣

呂惠卿屢知延州而未嘗
守邠未知其曾至此否

了然獨游詩

五行四行七字一行四字字
約徑一寸三分草書右行

了然獨遊

獨白霜前韻最高
歲寒唯有庭中物
川原未落益蕭騷
水落涇河浪轉號

元和郡縣志邠州本漢漆縣唐爲新平涇水西北自宜祿縣界流入乾隆府廳州縣志涇水自涇州

原出笄頭山

流入又東南

涇州北淳化縣西入乾州永壽縣界凡水南方曰湖西北亦謂之河涇河猶言涇水非兼大河而有二川邠州固非河水所經也此詩無年月涇河水落川原蕭騷天紀將窮之日也自隴以西高平曰原窪地曰川唐宋饋兵之地薛仁貴之於大非川任福之於好水川其地皆四面高山淺艸平行非在水一方也川原木落則高下蕭然矣觀獨游二字了然非釋子閱歲寒而不改抱負非常艸書通峭亦非俗筆旣不署名又無俦侶窮邊歲暮獨往獨來倘亦華州二生之流歟

劉堯咨題名

二行行五字字約徑三寸真書審為宋人刻

劉堯咨奉
不涇原過

劉堯咨無考宋史陳文忠堯叟之弟名堯咨文苑亦有劉堯
叟澤州晉城人堯咨是否其昆弟未敢定其文云奉命涇原
涇原爲陝西五路之一宋之極邊衝要原州即今固原州

王君佐題名

僅四字分二行上下四方皆留
空真書右行書筆勢是宋人刻

佐
題

王
君

四字分列四角作矩方形宛然陰文壘押但非繆篆邊無餘
線題名中所僅見

右宋刻六十四通

邠州石室錄卷二

邠州石室錄
子時編

邠州石室錄

卷三 金元

傅幾先題名

一行四大大字字徑六寸年
月兩行夾寫在下直書

傅幾先登

正隆辛巳季
夏中休日

此刻僅四字與錢受之題名同但有年月攷金史循吏傳傅
慎微字幾先其先秦州沙溪人遷居長安宋末登進士累官
河東路經制使婁室定陝西慎微兵敗被獲羈置歸化州起
爲陝西經略使即其人也傳又稱陝西大旱以慎微爲京兆
鄜延環慶三路經濟使募民入粟立養濟院全活甚衆題名
當即在是時辛巳爲正隆六年是年十月東京留守曹國公
烏祿即位於遼陽攷元大定即世宗也六月海陵猶未敗故
當仍用其紀元

江孟燕題名

一行直下十三字字約徑一寸左右年月十一字
在左側字小如豆通長不及大字五字均行書

安而將西子城江孟燕到此謹誌

至先廿五年己卯月廿八日誌

安西元初有路有州而無府攷元史地理志奉元路唐初為

雍州後改關內道又改京兆府元中統三年立陝西四川行

省治京兆至元十六年改京兆為安西路總管府二十三年

行省改此省為陝西等處行中書省皇慶元年改安西為奉元路安西州今鞏

昌府安定縣地統於鞏昌路便宜都總帥府至元五年割屬

脫思麻路總管府七年併洮州入安西州脫思麻路為今此

稱安西府疑當為安西路總管府然攷宗室世繫表世祖皇

帝十子次三安西王忙哥剌至元九年封出鎮長安十年詔

益封秦王別賜金印其府在長安者為安西在六盤者為開

成皆聽為官邸又按地理志開成州初為原州至元十年皇

子安西王分治秦蜀遂立開成府然則此安西府亦可為安
西王長安之藩邸表又稱忙哥刺至元十七年薨子阿難答
襲大德十一年誅此刻在二十五年忙哥刺已薨安西王當
為阿難答江孟燕或給事藩邸或為揔管府僚均未可知要
之藩府帥府皆在長安則孟燕必自長安至郊留題於此

董祐題名

三行行五六字不等字約徑
一寸大者踰二三分行書

延祐七年四月
樞帥府奏差
董祐因公致也

攷元史地理志陝西奉元興元兩路皆置摠管府鳳翔雖爲
散府其前固嘗立摠管府獨於鞏昌路置便宜都摠帥府至
元十三年立摠管府十四年即復行便宜都摠帥府事此稱
摠帥府自是鞏昌路帥府奏差元時內外官屬皆有之其秩
在令史譯史下斗食之吏也寫刻淺劣甚於晉書市牘

伯都裝象題字

一行直下十五字字約徑三十小字
雙行在下僅四字紙短失拓真書

光祿大夫平章政事伯都粧三尊歲在甲戌
寅衆

元史畏荅兒傳忙兀人其先刺真八都兒有二子次名忙兀兒始別爲忙兀氏畏荅兒其六世孫也博羅歡畏荅兒幼子蘸木曷之孫瑣魯火都之子拜光祿大夫上柱國江浙等處行中書省平章政事卒封奉安王謚武穆子伯都幼穎異不以家世自矜長嗜書史至大二年出爲江南行臺御史中丞遷陝西行臺御史大夫延祐元年拜甘肅行省平章政事經畫諸倉皆充溢甘州氣寒地瘠少稔歲民饑則發粟賑之春闕種則貸之於是兵餉旣足民食亦給四年移江浙入爲太子賓客延祐元年正當甲寅此時伯都方拜甘肅之命元時行省長官往往帶光祿大夫銜所敘官與傳合又按此寺元

裝象皆但書甲子而無紀元甲寅爲仁宗延祐元年正當有
元中葉此外癸酉三通甲戌四通由前而溯之癸酉爲至元
九年由後而溯之癸酉爲元統元年攷元史朵爾赤傳厯官
皆在世祖時今朵爾赤裝象在癸酉此癸酉自當爲至元九
年甲戌爲十年即據以著錄而發其凡於此不曰造象畫象
而曰裝象隴蜀閒唐造象雕繪並施歲久剝落後人從而髹
飾之亦爲擅施功德觀宣和寶勝佛象題詞可知三巴晉古
志化城縣佛龕皆有繪士布衣張萬餘文德元年一通首行
敬發心報修裝古跡功德如後下列釋迦牟尼佛等幾身又
光啓四年一通則云敬重裝畫功德共八龕計二百五身亦

其證也裝作粧俗字

采爾赤裝象題字

一行八字字徑五寸

年月雙行小字真書

上闕
政事采爾赤
辨五尊
音歲
癸酉

元史朵兒赤傳字道明西夏甯州人父幹札篋世掌其國史
守西涼以城降副撒都忽爲中興路管民官朵兒赤年十五
通古注論語孟子尚書以西夏子弟召見授中興路新民摠
管至官塞黃河九口開其三流賦額增倍轉營田使秩滿入
覲升潼川府尹其生長旣在甯州中興路即今甯夏府地從
政之地又與邠爲鄰宜有其題字石刻兒作爾譯音不同也
又按地理志甯夏路下注云至元八年置西夏中興等路行
尚書省元貞元年革并其事於甘肅行省此刻歲在癸酉其
時尚爲中興路傳又稱朵兒赤之子仁通天曆二年歿於雲
南理問尚在元統以前益可證此癸酉在前一甲子當爲至

元九年而非元統元年也結銜僅存政事二字上闕攷朵兒赤傳未嘗爲行省臺官即不當以平章政事繫銜或史闕或此朵兒赤與史傳朵兒赤非一人未敢臆定

文伯顏裝象題字

五行行三字字約徑四寸
末一行四字字略小真書

禮店居
住文伯
顏耕此
壹堂
寄巖癸酉

元史地理志有禮店文州蒙古漢兒軍民元帥府其地闕又攷百官志禮店文州蒙古漢軍西番軍民元帥府隸於宣政院有達魯花赤一員元帥一員同知經歷知事鎮撫各員又別為奧魯軍民千戶所上千戶所又設禮店階州西水蒙古漢軍西番軍民摠把二員其地當在隴南階文等處與蜀接壤疑即今禮縣界

屬秦州

禮亦作李

裝象殘題字

跡存二字約徑四寸下雙
行四小字約三之一真書

壹
晉
歲
發
齋

此刻全泐僅存壹尊二大字及下分注歲干支厄刺石裝象
泐至裝此二字爲止若并爲一刻適一字不遺或疑粗工以
紙短分拓然未見原石難於斷鶴續鳧

儉普裝象題字

二行左右分列一行十五字一行十二字字徑二寸弱真書

忠翊校尉鄒州達魯花赤兼管本州諸
軍與魯勸學字儉普此堂甲戌

元史百官志武散官三十四階第二十八階爲忠翊校尉正
七品至元二十年定上州達魯花赤州尹秩從四品中州達
魯花赤下無尹有知州並正五品下州從五品府州縣長官
皆兼與魯勸農與魯治諸軍事實兼兵農二職俺普史無傳

伯顏裝象題字

五行行四字字約徑二寸
弱橫列兩金龍中間其書

承直郎同
知邠州事
伯顏
上
昔歲單成

元史有三伯顏一爲蒙古八鄰部人佐世祖下江南追封淮
安王謚忠武一爲蔑兒吉解氏順帝時歷官太師奎章閣大
學士封秦王以專擅黜死一在儒學傳哈刺魯氏一名師聖
字宗道官翰林待制此又一伯顏其氏族未詳其事蹟亦不
著攷元史百官志上中下州皆有同知位在州尹及知州下
文散官三十二階爲承直郎正六品

達魯花赤間間裝象題字

五行行四字字約徑一

寸橫列兩龕中間真書

邠州新平
縣達魯花
赤間間耕
此上面壹
堂壽歲甲戌

元邠州領新平淳化皆下縣元史百官志上縣秩從六品達
魯花赤一員下縣從七品

尉温福装象题字

六行行三字字約伍四寸弱末一行
四字網其半在上下兩象中間其書

省除邠
州吏目
尉温福
糝此中
壹堂
善歲甲戌

元史百官志參佐官上州知事提控案牘各一員中州無知
事有吏目下州吏目一員或二員邠爲下州斗筭之秩不由
部銓卽爲行省所授故曰省除尉姓代有尉古真見魏書北
齊尉景善無人秦漢間有官尉候者子孫以爲氏

池彥文裝象題字

一行六字直下字約徑二寸
弱在元祐范棟題名側行書

本州池彥文粧

池姓不見於史傳唐邵思姓解漢有中牟令池瑗古今姓氏
書辨證引風俗通曰氏於居者城郭園池是也

張允吉刺反裝象題字

一行直下存十五字
徑二寸其書下截失拓

忠翊校尉寧州判官張允吉刺反裝象此

下關

元之甯州即唐宋金舊地漢之北地郡也至元七年并襄樂
安定定平入本州領縣一真甯見地理志又按百官志上中
下州同知下皆有判官下州兼捕盜之事張允吉刺反史無
傳

殘裝象題字

一行直下存十六字字徑
二寸弱其書下截失拓

中奉大夫宣政院副使兼同知延慶司事

下關

年月姓名在下截已泐以結銜攷之知爲僧官也元史百官志宣政院掌釋教僧徒及吐蕃之境而隸治之遇吐蕃有事則分院往鎮軍民通攝僧俗並用置副使二員上有院使同知下有參議經歷等官副使從二品又儲政院下有延慶司秩正三品掌修建佛事使下有同知一員至元二十一年始立隸詹事院儲政院即詹事院改又二十九年封晉王於太祖四斡耳朶之地改王傳爲內史立內史府其屬亦有延慶司掌王府祈禳之事使下有同知二員正四品邠州界鄰蕃部宣政自當有分院此延慶司疑爲內史府所屬爲王祈禳而來中奉大夫文散官第十四階從二品

察罕祝天祐裝象題字

二行直下一行二十一字一行十一字字約徑
三寸真書圍在二石字體亦同當是一時所刻

上
蘭
本
大
夫
宣
政
院
副
使
兼
尚
書
知
延
慶
司
監
察
罕
粧
此
一
尊

上
蘭
鄭
州
司
吏
祝
天
祐
粧
此
一
尊

察罕結銜同前刻元史有兩察罕其一唐兀烏密氏事太祖
太宗封河南王謚武宣元初開國勛臣也其時涇邠之地尚
未入版圖其一西域板勒紇城人也皇慶元年進榮祿大夫
平章政事商議中書省事乞歸解州居德安白雲山別墅以
壽終攷其厯官又不合當武宗即位時仁宗爲皇太子授詹
事院判進僉事延慶司雖亦隸詹事院然傳稱察罕博覽彊
記通各國字書晚年眷顧愈隆仁宗至稱之爲白雲先生是
儒臣非僧官進退以禮何至與祝史同列國語稱白色爲察
罕如不花伯顏之類色目人同名者甚多此刻察罕當別爲
一人元制州屬無司吏內史府延慶司典簿之下亦但有令

史譯史知印通事奏差等官祝天祐未詳

及百官志大都上

吏者其秩在簿尉典史下或州屬亦嘗設此官而史闕未書

車力帖木兒裝象題字

一行直下二十字字的
徑一寸三四分其書

兵馬司鄭達魯花赤指揮使韓為帖木兒發此二堂

元史百官志上都留守司監其屬有兵馬司局指揮使三員
副使二員至元二十九年置又有添設兵馬司至正十年十
月中書省奏東南千里外妖氣見合立兵馬司四處掌防禦
之職大名東平濟南徐州每司置都指揮各二員副指揮各
四員車力帖木兒如官大名東平諸屬安得至邠州裝象或
當是上都路官因公至此然攷志又云至正十五年罷沂州
分元帥府改立兵馬指揮使司其年十月濟甯兵馬司添設
副指揮一人是至正添設不止大名等四處邠州地當邊要
或亦設有分司而史闕不書其長官爲指揮上有都使下有
副使其下又有經歷知事等官而無都達魯花赤元時官制

增革不常此亦史略車力帖木兒史無傳

厄刺及裝象題字

一行直下十六字字徑一寸強
在甲辰宋永之題名右側其者

將仕佐郎新平縣達魯花赤厄刺及裝此

下闕

元史肖乃台傳子名兀魯台與厄刺歹譯音同但攷其官轍未嘗西至邠州元制散階無九品將仕佐郎爲末一階從八品州縣之事領於達魯花赤尹丞簿尉皆在其下儼然百里之長散官即對品亦何至階在最下此亦官制簡陋雖海寓一統開國規模并不逮遼金遠矣

右金刻一通元刻十五通

後序

緣聚先生於金石之學研閱獨精語石一編人閒流播固已騰
貴洛陽之紙虛懸國門之金垂聲後來盛業不朽矣又以奉使
度隴成邠州石室錄三卷閱之篋衍行謀殺青今者劉君翰怡
以康成經說寫定於禮堂仲任論衡匿翫於藏室請之先生爰
爲校梓梨削既竟謙亦預讎勘之列三復卒讀因竊窺其闕惜
焉後來母后秉權易淪神寶蔚宗作紀論漢家成敗之由嘗與
詩書同嘆矣唐自武氏稱制易姓改元使非仁傑幾無再興之
望此錄以叔夏薄游致嗟其泡沫李齊構象愿極其顛危寄慨
於牝雞之煽虐其殆以大運凌夷推尋亂萌實肇於是先生亦

憂患而作乎夫國有兵禍存亡攸繫果得忠良之將奚至不能
平蕩倘委託非人則宗祚隨之而徂矣有宋之世外患迭興雖
南渡偏安王氣未盡然當政宣之季中原鼎沸守土諸臣猶復
載登傑閣挈婦孺而來曠倚長城隳封圻之責此已可怪

於夏人積弱西陲可無用兵自命童貫往討諸路軍事復使貫
總其任遂為所敗卒大掠蕭關以去先生於此為之歎息恨痛
不置斯尤可心知其意者也若夫刻石文辭有裨史學此錄雖
一時題記僅載姓名先生為依據職官鉤稽歲月訂渡豕之誤
字補乘馬之闕文此固頴家之業非可易幾要其撰述大義則
不在此矣乙卯冬十月隘堪居士孫德謙謹識